

LATIHAN MENEMBAK PISTOL GLOCK 26 DAN PISTOL BROWNING DI PANGKALAN UDARA GONG KEDAK

airforce.mil.my/berita/berita-dari-pangkalan/3925-latihan-menembak-pistol-glock-26-dan-pistol-browning-di-pangkalan-udara-gong-kedak

GONG KEDAK, 21 Sep 18 – Pangkalan Udara Gong Kedak dengan kerjasama Skwadron Provos PU Gong Kedak telah menganjurkan Latihan Menembak Pistol di Lapang Sasar Pistol PU Gong Kedak. Latihan menembak dijalankan secara berperingkat selama 4 hari bermula 18 Sep hingga 21 Sep 18 yang melibatkan Pegawai-Pegawai Kanan, Pegawai-pegawai dan Pegawai Waran.

Turut serta dalam latihan tersebut ialah Komander Pangkalan, Brig Jen Dato' Suhaimi bin Hussain TUDM. Latihan terdiri daripada 3 praktis menembak pada jarak 10m, 15m dan 20m dengan disusuli pertandingan menembak jatuh piring. Latihan ini merupakan salah satu latihan ketenteraan yang direncanakan sepanjang tahun 2018 bertujuan meningkatkan tahap kemahiran dalam mengendalikan senjata api bagi warga PU Gong Kedak.



